



Komunikadu Imprensa
25 Juñu 2020


Tribunál distritál sira reativa prosesu julgamentu no kontinua kumpri mekanizmu prevensaun COVID-19

Tribunál Rekursu hahú iha ínsiu Juñu 2020 hatun despaxu ba tribunál distritál sira hodi normaliza filafali serbisu tribunál nian. Despaxu ba normaliza funcionamentu tribunál ne'e bazeia ba Dekretu Prezidente da Repúblika kona-ba Estadu Emerjénsia ba datoluk ho kondisaun katak atividade iha rai laran bele la'o hanesan ba-bain maibé mantein aseguira mekanizmu prevensaun COVID-19.

“JSMP apresia tribunál distritál sira tanba reativa prosesu julgamentu hanesan ba-bain hodi aseguira parte interesadu sira nafatin asesu ba justisa. Aleinde ne'e, tribunál sira mós kontinua kumpri protokolu prevenzaun COVID-19 husi Ministériu Saúde no Organizasaun Saúde Mundiál (WHO) nian,” dehan Diretóra Ezekutiva JSMP, Sra. Ana Paula Marçal.


Durante tribunál reativa prosesu julgamentu ne'e, JSMP consege monitoriza kazu hamutuk 77 (krime 73 no sivíl 4)* iha jurisdisaun hotu. Husi kazu 77 ne'e, maiória mak kazu violénsia doméstika. Informasaun kompletu bele haree iha kraik :

Tabela totál kazu kada jurisdisaun ne'ebé JSMP monitoriza :



* Total kazu ne'e la reprezenta totál kazu ne'ebé tribunál sira julga

Gráfiku tipu kazu ho nia porsentajen



Aleinde ne'e, iha fulan Juñu ne'e, tribunál mós reativa filafali julgamentu movel iha jurisdisaun Tribunál Distritál Suai, iha Distritu Bobonaro, Sub-distritu Maliana hahu hosi loron 15 to'o 19 Juñu 2020.

JSMP fiar katak ho despaixu TR nian ne'e, tribunál sira bele aselera prosesu julgamentu ba kazu sira ne'ebé tribunál sira adia durante Estadu Emerjénsia primeiru no segundu.

JSMP observa katak maski prosesu julgamentu la'o hanesan ba-bain maibé tribunál sira kontinua kumpri mekanizmu prevensaun COVID-19 nian hanesan prepara be no sabaun iha tribunál oin, uza maskara no aplika distánsia sosiál tantu iha sala julgamentu no mós iha fatin hein ba partisipante sira ka parte interesadu sira.

Atu hetan informasaun kompletu, favór kontaktu:

Ana Paula Marçal
Diretora Ezekutiva JSMP
Email: ana@jsmp.tl
Telefóne: 3323883 | 77040735
Website: <http://jsmp.tl>